

Drugi sastanak Pododbora SSP-a između EU i BiH za trgovinu, industriju, carine i oporezivanje održan 24.10. 2017. u Sarajevu

Preporuke

Sloboda kretanja roba (poglavlje 1)

1. EU pozdravlja odluku Vijeća ministara BiH iz juna 2017. godine o imenovanju članova Savjeta za standardizaciju BiH.
2. EU poziva organe vlasti BiH da hitno finaliziraju procedure za imenovanje članova Savjeta za mjeriteljstvo, koje je Vijeće ministara BiH odložilo.
3. EU poziva Republiku Srpsku da obustavi blokadu izrade državne strategije infrastrukture kvalitete potrebne za napredovanje u poglavlju *acquis*-a koje se odnosi na slobodno kretanju robe. EU poziva BiH na pravilnu primjenu važećih zakona u izradi strategije i korištenje mehanizma koordinacije u rješavanju eventualnih blokada.
4. Evropska unija pozdravlja opsežnu međunarodnu suradnju na području infrastrukture kvaliteta.

Preduzetnička i industrijska politika (poglavlje 20)

5. EU preporučuje Bosni i Hercegovini izradu državnih strategija u oblastima politike malih i srednjih preduzeća, industrijske politike i turizma. Reformska agenda i Program ekonomskih reformi predstavljaju opšti okvir prioriteta države u oblasti industrijske politike. BiH treba da razmotri mogućnost da mehanizam koordinacije za pitanja koja se tiču EU (npr. RG za poglavlje 20) bude korišten za rješavanje pitanja u ovom procesu.
6. EU poziva BiH da ubrza stvaranje jedinstvenog ekonomskog prostora u BiH ukidanjem zahtjeva za duplu registraciju ili osnivanje filijale u drugom entitetu za kompanije koje žele da posluju na teritoriji cijele BiH.
7. Pozdravljajući činjenicu da je BiH ratifikovala sporazum o pridruživanju programu EU COSME, EU žali što BiH nije iskoristila učešće u određenim aktivnostima u 2016. godini, koje su bile dostupne i prije ratifikacije. EU poziva BiH da uplati učešće za 2016. i 2017. godinu. Rok je produžen kako BiH ne bi morala da plaća zatezne kamate.
8. EU je ponovo ponudila da se organizuje radionica TAIEX-a i sastanak sa Generalnim direktoratom za unutrašnje tržište, industriju, preduzetništvo i mala i srednja preduzeća - DG GROW kako bi se pojasnilo na koji način će BiH najbolje moći da iskoristi učešće u programu COSME. EU poziva BiH da iskoristi ovu ponudu.
9. EU pozdravlja napredak u vezi sa Aktom o malim preduzećima - izvještavanje u 2017. godini.

Oporezivanje (poglavlje 16)

10. EU pozdravlja uvođenje elektronskog podnošenja prijave PDV-a za velike firme.
11. EU pozdravlja najavu Ministarstva komunikacija i transporta BiH da će se zakonodavstvo o elektronskom potpisu početi primjenjivati u roku od mjesec dana od sastanka Pododbora, što će Upravi za indirektno oporezivanje omogućiti da postane sertifikirano tijelo, te traži potvrdu kada to bude ostvareno. EU preporučuje da se osigura interoperabilnost različitih e-potpisa širom zemlje tako da se jedan e-potpis može koristiti u različite svrhe (direktni i indirektni porezi, carine itd.).
12. EU preporučuje redovno ažuriranje zakonodavstva o PDV-u i akcizama u BiH u skladu sa razvojem zakonodavstva u ovoj oblasti na nivou EU.

13. EU poziva BiH da se pridruži Protokolu SZO o eliminaciji nezakonite trgovine duvanskim proizvodima kao što to već učinile Bivša Jugoslovenska Republika Makedonija, Srbija i Crna Gora.

Carine (poglavlje 29)

14. EU poziva BiH da usvoji provedbene propise za primjenu novog Zakona o carinskoj politici u BiH.
15. EU konstatuje najnovija dešavanja u vezi sa uvođenjem kompjuterizovanog tranzitnog sistema širom BiH i planovima za finalizaciju njegovog uvođenja do juna 2018. godine, pod pretpostavkom da Uprava za indirektno oporezivanje do kraja 2017. godine postane sertifikovano tijelo za e-potpis. EU će BiH informisati o najnovijim informatičkim razvojnim planovima za Novi kompjuterizovani tranzitni sistem (NCTS).
16. EU poziva BiH da pošalje svog predstavnika na sastanak radne grupe EU/EFTA za tranzit koji je zakazan za 24. novembar 2017. godine. Učešće finansira Evropska komisija.

Trgovina (poglavlje 30 vanjski odnosi)

17. EU pozdravlja činjenicu da je Protokol o prilagođavanju SSP-a nakon pristupanja Hrvatske Evropskoj uniji stupio na snagu 1. februara 2017. godine i potvrđuje da je ukinuta prethodna suspenzija trgovinskih preferencijala kroz takozvane "autonomne trgovinske mere".
18. EU pozitivno ocjenjuje povećanje izvoza BiH u EU od 52% od zaključenja SSP-a / Privremenog sporazuma 2008. godine. Takođe je konstatovano da 66% trgovinske razmjene BiH čini razmjena sa EU i da je trgovinski suficit EU dodatno smanjen od posljednjeg sastanka Pododbora.
19. EU konstatuje i da su direktne strane investicije u BiH pale sa 415 miliona u 2014. godini na 274 miliona u 2016. godini. EU podsjeća da su direktne strane investicije u 2007. godini bile pet puta veće nego u 2016. godini (1 329 miliona eura) i traži od BiH da preduzme mjere za privlačenje priliva direktnih stranih investicija provođenjem Reformske agende i Programa ekonomskih reformi.
20. EU ponovo apeluje na BiH da uskladi rad malih pivara sa pragovima koji se primjenjuju u okviru *acquis*-a (200 000 hl) i konstatuje da je to planirano usvajanjem novog zakona o akcizama. EU poziva vlasti BiH da što prije finaliziraju proces izrade i usvajanja.
21. EU konstatuje da vlasti u BiH ne planiraju mijenjanje akciza na etil alkohol, flaširanu vodu i bezalkoholna pića. EU poziva organe vlasti BiH da EU informišu o bilo kakvoj namjeri promjene akciza i ponavlja da postojeća struktura akciza mora biti usklađena sa *acquis*-em koji predviđa jedinstvenu stopu za sva žestoka alkoholna pića.
22. EU pozdravlja Odluku br. 1/2016 Vijeća za stabilizaciju i pridruživanje EU-BiH od 9. decembra 2016. godine, kojom je u Sporazum o stabilizaciji i pridruživanju unešena i "Regionalna konvencija o preferencijalnim pravilima porijekla za pan-euro-mediteransku zonu (PEM konvencija)".
23. EU pozdravlja usklađivanje Zakona o unutrašnjoj trgovini FBiH sa *acquis*-em, što je takođe važan uslov za pristupanje STO.
24. EU pozdravlja činjenicu da se i BiH pridružila usvajanju Višegodišnjeg akcionog plana za Regionalni ekonomski prostor na samitu u Trstu. EU podsjeća da su neophodne dalje aktivnosti, te
 - a. zvanično usvajanje dodatnih protokola o olakšavanju trgovine uključujući i trgovinu uslugama u okviru CEFTA sporazuma

- b. započinjanje pregovora o mehanizmu za rješavanje sporova i uzajamnom priznavanju stručnih kvalifikacija za odabrane stručnjake
 - c. započinjanje rada na identifikaciji preostalih regulatornih barijera za trgovinu i investicije u regionu i predlaganje oblasti za blisku saradnju između regulatornih organa. U tom kontekstu, bez odlaganja treba pokrenuti strukturirani dijalog između šest ekonomija i predstavnika privatnog sektora, a posebno Komorski investicioni forum Zapadnog Balkana o trgovinskim i investicionim barijerama
 - d. uspostavljanje regionalnog dijaloga o digitalnoj transformaciji
 - e. izrada procjene potreba za resursima potrebnim za provođenje akcionog plana i organizovanje koordinacionih sastanka donatora
 - f. uključivanje predstavnika privatnog sektora u regionalni dijalog o strategijama pametnog rasta sa ciljem razvoja klastera inovacija i integracije regiona u globalne lance vrijednosti.
25. EU poziva vlasti BiH da hitno imenuju koordinatora za Regionalni ekonomski prostor (ERA) u svjetlu programa usvojenog u Trstu i predstojećih sastanaka sa koordinatorima iz drugih zemalja Zapadnog Balkana.
26. EU poziva BiH da pronade rješenja za vizni režim za građane Kosova*.
27. EU izražava snažnu podršku željama BiH da se pridruži STO i prima k znanju usmeni izvještaj o pregovorima sa Brazilom, Ukrajinom i Ruskom Federacijom. EU ohrabruje BiH da ove pregovore finalizira u predstojećim sedmicama.

* Ova oznaka ne dovodi u pitanje stavove o statusu, i u skladu je sa Rezolucijom Vijeća za sigurnost UN-a 1244 i Savjetodavnim mišljenjem Međunarodnog suda pravde o Kosovskoj deklaraciji o neovisnosti.